

麻城縣志

地260.91

39

121

卷四十七

示考銘贊引啟跋辭箴

麻城縣志卷之四十七

知縣事臨桂鄭慶華



藝文志 箴辯跋啟引贊銘攷示

箴

縣令箴 見浦江縣志

毛鳳韶

列宿垂象郎實應之周官縣正則維其司百里之長古男
之任承流宣化有社有民墨綬銅章宰制一邑生亾休戚
惟其所繫繇漢以來率重是職清望者選非人者斥時賜
召見問民苦疾能者久任不數更易增秩賜金以彰厥績

麻城縣志

卷四十七

藝文箴

一

若稽古制科目正塗方以授之常祿之外有以養之統以
牧伯糾以監司任以九載責以六事六事允修是曰稱職
蠹政殃民國有常律如何弗思敗者隨至于是天子艷容
上司薄視官日以卑民日以非政日以疵治日以微一授
是官交口怨惡或指爲火坑或名曰債負嗚呼噫嘻親民
之職志可必行澤可就施由邑登臺自昔有之令何負人
而乃如是不觀古人作令或如冰之清或如衡之平或以
鳴琴治或以弦歌聞或勸農省風或勵學宣教或築堤衛
田或決渠灌稻或代民挽緯或更民登耗或禁人殺子或

息訟以孝或便宜開倉或停茶閣詔於是乎百姓歌之或
號神君或稱賈父或攀車拒輪或豐碑廟祀於是乎執宰
揚之或稱百里之才或上三異之政或薦萍鄉之張或舉
江東之岑於是乎天子顯之或稱百城之表或有千石之
擢或賜緋衣或封侯爵於是乎太史書之或傳循吏或紀
良平青史流芳百世如存若此等事寧不思之而乃甘爲
俗吏之歸嗚呼噫嘻邑徧寰宇豈無賢智爲今之吏師古
之遺學校久廢思所興之田野不治思所闢之戶口日耗
思所增之賦役歲殊思所均之詞訟蝟興思所簡之盜賊

麻城縣志

卷四十七

藝文錄

二

蜂起思所息之旣舉六事復集衆美農桑或惰何以勸之
陂塘未利何以興之孤貧無告何以恤之死亾無歸何以
安之荒歉不常何以備之刑獄冤濫何以清之武備廢弛
何以講之祭祀或缺何以修之其有亂倫敗俗在所繩之
豪滑姦宄在所刑之害去於先利興於後政惟愷弟心惟
忠厚保汝黎民時汝之休乃若不親民事不戢吏弊不恤
百姓不顧公議或巧事上官或讐視下民或恃強凌弱或
賣富羞貧或科罰取財或慘酷用刑如狼驅羊如虎負嵎
搖我邦本時汝之尤一得一失善敗隨之天監不遠王法

無私嗚呼噫嘻縣非卑微得人則崇失人則卑崇卑在人
何以縣爲

麻城縣志

卷四十七

藝文箴

辯

和同驕泰辯

梅之煥

天下莫難於君子小人之辯莫患於君子小人之辯以君子辯小人以小人辯君子囂凌詬誶而不探其本亂之道也夫小人竊君子而君子爲小人所竊世俗多有淆惑而莫解者我和彼亦自以爲和然我無競者和而彼無競者同也我泰彼亦自以爲泰然我無拘者泰而彼無拘者驕也以同爲和勢必復指和爲同以驕爲泰勢必復指泰爲驕和同驕泰之紛然亂也久矣然則鋤而去之乎曰天地

麻城縣志

卷四七

藝文辯

四

間有君子自不能無小人也恃吾有以辯之如第辯其孰爲和孰爲同而不原和之所以來孰爲泰孰爲驕而不尋泰之所自始吾懼其辯不勝辯何者其提衡在岐路而源頭不徹耳吾所謂辯者不必旁析其事而在直指其體不必以我辯人而在以我辯我試就我一物不戾物物具足之地捐其習氣而察其靈根果能無私喜怒無私哀樂乎能順天地萬物之常而無忤乎能可否可濟甘苦共調乎則吾心之真和見矣真和無同自不必辯同也能不束塵網不束意見乎能游宇宙名物之表而無礙乎能震撼不

驚險夷一致乎則吾心之真泰現矣真泰無驕自不必辯
驕也夫和如陽春一草一木無地非春而春不偏附一草
一木也泰如晴空閒雲過影一任橫空而空不自有閒雲
過影也吾心中略偏附則同稍自有則驕春無偏而和有
偏乎空無着而泰有着乎此吾所謂識得真和真泰卽辯
亦贅說耳然則謂世有君子而盡絕小人謂世有小人而
能掩君子之真者皆非探本之見也且君子小人同此一
脈靈根耳靈根剖破卽習氣盡化爲用神恢比附之精神
誰非胞與歛矜高之氣魄誰非廣大君子既不掩於小人

麻城縣志

卷四十七

藝文辯

五

小人又何礙於君子所以源頭旣徹岐路自一則存乎司
世道者然世道之泰又何實致之尙書云推賢讓能庶官
乃和陸賈曰將相和則士豫附劉向曰衆賢和於朝則萬
物和於野韓魏公上殿爭如虎下殿不失和氣而宋世賴
之和與秦之同根而相爲用也審矣故不和則不能無黨
同黨同則不能無伐異伐異則不能無虛憍而恃氣始之
小人與君子角繼之君子與君子角卒之君子兩俱傷而
小人起承其敝泰交何繇而合泰運何繇而亨乎此尤不
可不辯

不可伐而重耳之報施爲未當也今世士所抱負者未必
不如重耳也士之所遭者未必不如重耳也所遭如重耳
又安得人人報之人人誅之耶甚矣晉公子量之狹志之
卑而小人得志於時者之所爲也雖然世亦有受賤惡甘
戮辱而不克自振隱忍苟活以求全於旦夕是又重耳之
罪人也予蓋不能不辯

坐懷不亂辯

李 對

古今共傳之事莫謂無可疑者也柳下聖人也詎不如魯男子閉門不納而世競傳其坐懷爲美談歟夫男女授受不親禮也懷可坐背禮已甚豈反輕於授受耶倘曰聖不爲嫌而瓜田李下之戒何爲者也且男子坐人之懷不可而聽女子之坐懷可乎坐卽亂矣必污穢而後謂之亂乎若果奔者在懷無人相見惠必隱其惡世何由而傳若果相見有人卽庸愚亦知羞惡又何足爲柳下譽嗟乎惠不幸而有和聖稱耳世遂謂不恭狂態竟可無所不爲而一

麻城縣志

卷四十七

藝文辯

八

唱百和若鑿鑿有據也夫風流佻達末俗相高雖越女秦姬醉歌酣舞猶欲托聖賢以自護其短而曰吾柳下惠耳則藉此以爲口實者有之千古遂有此不白之說也孟子曰盡信書則不如無書矧斯言之非經史乎吾故不能無

辯

跋明孝子劉公御華卷軸

周禮

仁孝之事出乎天性然傳之古人則信傳之今人則疑非君子之用心也有明啟禎間吾邑東山有逸民焉號劉御華以廬墓之誠孝致前輩諸鉅公先生多有題贈盈乎卷軸予不及見其人而讀衆先生之文其古貌古心恍然得之筆墨之表今其仲子劉君顯年已八十有五過我山齋出此卷相示誠足觀感也君顯於八旬外甫生一子方及四歲則劉氏一綫是天之所以報仁孝又孰謂善可爲而不可爲也哉率書此於卷末以附諸先生之後時康熙二

麻城縣志

卷四十七

藝文跋

九

十八年仲夏蝶園主人書於石橋草堂

題祿米倉跋

袁銑

世間多少好事祇為愛錢做不出世間多少不好事祇為愛錢做得出見利忘義不可為官並不可以為吏倉庾邦賦出入之地關係匪輕舞弊分肥與盜何異或曰官制人以義者也吏役為身家計不得已耳試問贓污發覺身家何有即不然而分爭百出得十亡九枉為罪魁夫糞穢可洗染指不可洗蠍毒可醫焚身不可醫戒哉書思義二字於廳壁思其非而止之義也忘私急公之道也思其害而止之亦義也公私兩利之道也凡在倉者庶共勗焉

麻城縣志

卷四七

藝文跋

嘉慶己卯九月鐫藏

一曰用功 氣要靜要銳 心要虛要細

一曰知命 當得求人得不求人亦得 當失不求人失求人更失

一曰知恥 不求人得固得失亦得 求人失固失得更失

廣額申啟

彭韜

從來才堪華國士風播爲休風儒可賓王文運關乎氣運
然市千里之麒麟須廣築金臺而求七尺之珊瑚必洪張
鐵網此名儒所以輩出多士所以同升也麻邑水秀山明
地靈人傑天生泮壁波圍朝聖門前諺兆魁元浪打蔡家
園內暮煙橫北郭龍池生徹夜奎光朝旭應東山鹿角豎
插天文筆臬嶺泉飛如裂帛波傾倒峽之詞古亭松老欲
成龍濤激生花之夢杏花香遠近依稀闔苑風光桃葉渡
參差彷彿武陵春色連綿鳳壁羽儀開文運之祥崑岷龜

麻城縣志

卷四七

藝文啟

十一

峯河洛肇圖書之瑞虞公城下學士之靈爽猶存閻氏河
邊都督之風流未泯毛右軍之事業爭傳萬古高風蘇太
守之文章尙賸千秋餘澤是以有明一代領鄉薦者五百
餘人卽如景泰三科登賢書者二十七子兩家宮保一門
之盛事堪傳四歷尙書二氏之芳踪有據溯高名於翰苑
足下冉冉青山追靈績於戎行袖裏篇篇黃卷偉矣名垂
竹帛猗歟功滿旗常至若 興朝愈多髦士或是父是子
同探上苑之花或難弟難兄共報春宮之捷或雄都坐鎮
任寄股肱或花縣分封功高保障班班可考在在非虛此

宗師日見耳聞非某等筆書言罄者也無如人才日盛
應試者已近三千而額數難踰入設者依然十五黃州路
上摩拳擦掌而來赤壁磯邊喪氣垂頭而返譬若求珠滄
海尙多委在泥沙猶如采玉藍田豈盡登諸廊廟致使松
窗不寐感極目之青陽草逕無媒笑盈頭之白髮箕裘慚
世業心傷巷口烏衣樵牧易生涯腸斷南山白石徒羨彈
冠貢禹孰憐下第劉蕡今奉特恩昭茲曠典以州縣失

小之別爲額數多寡之分日暖芹宮不嘆無門問渡風生
泮水竊欣有路登天總角書生執策好隨金馬投綸老叟

麻城縣志

卷四七

藝文啟

三

收竿再釣遊魚駒不秣而自前追風掣電翻無風而自振
薄漢摩雲幸逢欽命學憲大人山斗文章圭璋品望澄
清江漢作人居菁莪棫樸之先洗濯瀟湘得士於牝牡驪
黃之外壺內冰心映玉堂前寶鏡懸秋復逢師臺吾道主
盟斯文宗匠春風遍拂狂簡皆吾黨之材時雨頻蘇桃李
盡公門之選三場麀棘苑箇中之辛苦豈遽忘心一世老
孫山此輩之淹留能無動念爲此連名上請合志具呈伏
乞准賜通詳永垂定額例遵二十坐看香蒲芹宮數益五
名旋覩羣空冀野實薦賢而爲國豈得士以謀私則玉笋

繁華會見雲呈五色珠宮廣大欣看全滿三階矣

麻城縣志

卷四十七

藝文啟

十三

引

建岳王廟引

梅之煥

自古以忠死者多矣惟武穆岳王無論其經戰陳之處與不經戰陳之處以至婦人孺子廝養奴隸談及莫須有冤狀靡不髮指眦裂目慘心傷雖忠義之人人深哉亦其所以死者異也何者等死耳或主猜焉而死或勢屈焉而死或功成焉而死卽均死於忠而人心悲憤不平之氣猶有所托以解武穆何以死哉金字旌忠繡旗標勦主眷隆矣兀朮痛哭沿海旋師南風競矣高鳥未盡良弓已藏以補天

麻城縣志

卷四十七

藝文引

十四

浴日之忱拔山倒海之氣區區一秦家小兒探囊而杙置之坐令一腔熱血不得灑於梓宮青衣之前賀蘭朱衣之側而灑於獄卒之手也父子枕藉噍類無遺自壞長城爲虜報怨以極忠邁極寃以極寃鼓極憤以極憤繫極思則武穆王之不泯檜成之也乃予獨於王有異焉夫天下未有權奸在內而大將得以成功於外者一白面書生且猶知之以王之算無遺策獨惜於此哉泊乎風波片紙齎志沒地已矣百萬貔貅江上老兩宮環珮夢中歸此乾坤何等時而陰魂凝望墓木皆南猶眷然有恢復之思焉語曰

明知無益事故作有情癡匪忠曷癡匪癡曷忠故曰其愚
不可及也王方駿赤螭賓帝所俯視六陵悲來無地後之
享不享何心獨計譖人者卽巧於檜而適以相成任事者
卽危於王而有所不避是皆於今日人心國事有大關也
尸而祝之以風於有位使明哲保身之說不至爲蓄縮者
抵口而讒人罔極交亂四國亦庶其有豸乎

建宋賢祠引

于成龍

岐亭之有季常也非岐亭有季常乃季常有岐亭耳由來人以地傳者十一二地以人傳者十八九余每讀方山子傳因感其初在岐亭時韜晦動閤菴居茹蔬岐中人士莫知器識迨東坡公一過杏花村坐蕭然環堵中依依有故人情一旦使其地與人並傳千古是黃州之有岐亭因季常之一寓而岐亭之有季常又因蘇子之一識故夫岐亭之得名良有以也余奉

命守鎮茲土將幾三載計三載中承委署郡邑者四監兌給

麻城縣志

卷四十七

藝文引

十六

賑者二暨詣

天顏自

闕下數月乃得還黃其間僕僕奔走頗爲鞅掌是歲春朔之杪始偕岐中士子過杏花村謁季常先生墓尋昔時所謂蕭然環堵者竟不可得噫嘻賢人處此何今古落落多同乎爰與諸紳士約謀建椽茆數間於杏花村址邀士子讀書其中歲時伏臘豆雞壺酒奠飲於季常先生墓側余聞光黃間多隱君子後有賢人處此必以此都人士能深緇衣之好亡者尙爾存者可知自余來岐後俾賢人接踵俗

美風醇庶幾乎大宋團練使一識之於前五百載重溫之
於後坡公或不笑余之陋劣矣是爲引

麻城縣志

卷四十七

藝文引

十七

募建福田河橋引

徐庭蘭

楚豫之交有河曰福田本名沸天北抵光山界三十里南二十五里抵陰山關再行四十餘里達麻城河廣十許丈獨淺澀不受航石磷磷起逼削岸勢疑鬼兵持千百斧割人物蹄足方春夏雨集時上源纔下水卽鯨奔蜃笑喧旆若暴雷霆聲沸天茲其所以名此河旣南北當孔道水盈尺無渡理顧不得不渡涉人物其內一失足蹶卽破顛斷脰以斃負擔者偶有所脫失甫覺已漂去大河五六里雖甚寶愛然終不可收拾一歲間若此類凡數十土人毒之

麻城縣志

卷四十七

藝文引

七

因據其酷虐之實而惡以諡之曰哭天云舊嘗架石梁其上康熙間再成再圯於水蓋中幹自西徂東界楚豫旁一支南趨麻支凝自作祖則先斷爲大峽其附支垂左腋南北踞以爲峽衛者橫側成峯嶺皆滙其水九里冲而故石梁橫當冲口水下峽久不得快騁至是復有所邀截則怒乃還樓衆流驟伐之僞者梁不堪一再戰其速圯固宜又地距兩省縣邑遠濱河居民少欲有所修飭自度無以勝前人故數十年來目擊烝徒之辛苦雖甚痛憤卒以無奈何且止行浮屠戒月者僧於豫而卓錫於楚嘗視其徒河

濱之茶菴聞往來之毒是河也審視其地慨然曰是可爲也遂告河兩岸善信願以檀施力鼎建虹橋而厚積其勢計十餘丈橋當爲水門九內好停卽可以殺剽悍而經久遠議卽具託余以數言疏其意余因詰之曰師志誠善矣顧工程大朱提數千取辦檀越囊橐中亦甚艱難哉師自計事必濟否不徒敝師藤杖芒履否僧曰惡是何言吾行十方久建石橋以百數資費倍吾所欲營亦十數未盡仰希國帑也况吾採石近山而輔以向所圯則其費省而賢士夫讀書懷古嘗欲擴乘輿濟人之惠博施天下豈復惜麻城縣志

卷四十七

藝文引

十九

阿堵物而富商大賈之喜捨者固將以便其身圖則其施必倍今吾所需不過二千金斯足何艱難之有哉子但爲列其所以然俾得藉手諸檀越無爲憂事之或不濟矣余聞是言已不禁拊髀曰壯哉師知勇兼乃可屬大事他日橋旣就則沸天之險平而楚豫行者亦先號而後笑卽以是河爲師與諸檀越種福之田也其亦可

萬松書院勸捐膏火引

陸費恩洪

我

國家右文敷化

聖學光昌列郡州縣置學宮以董士復建書院以儲材書院之設所以佐學宮之不及爲

朝廷備文學之選者也士之游泳於斯者宜何如窮經稽古爭自濯磨而二三長吏有導民之責者不有以興起之則其效不立而其爲勸也弗明邑之萬松書院舊在城西七里岡後移建城內邑令長及薦紳先生歷捐田畝充師生麻城縣志

卷四七

藝文引

二十

廩餼具載志乘曩時士風秀美橫經論藝者雲集乎其中而遠鄉復有社學相與琢磨觀感以故茲邑自前明迄國朝人文蔚起炳炳麟麟登巍科上第者後先接踵何其盛也數十年來山川靈淑鍾毓如前而閭巷絃誦之聲稍稍寂矣夫庸非書院不治士氣不振之故歟夫士氣之不振由於書院之不治書院之不治由於經費之不足蓋向者士之資身本裕而物力豐賤膏火雖薄易給今則倍前而猶不支此必待加益者也廼院中官田久爲豪右黠佃侵匿雖歷經前宰率邑士釐出而已乾沒者半矣今納歲租

者乘馬岡羚羊山英山畝等處若干畝率磽瘠稍歉則負租歲僅得穀三百數十石易錢四百餘千而院師修脯舍宇歲修暨置器用給役食需用十之八其餘充諸生膏火者無幾由此言之官安能以空文勵士士安能盡裹糧從游也丙子春余甫下車覩學舍之鞠蔬憫講筵之集雉慨然興嘆爰出俸錢百餘緡分資諸生而勤督其課藝親爲之口講指畫匝歲間人欣欣然動其意今三月學使者校士由書院入學官者八人一時稱盛事焉噫嘻觀諸生之慕學向風如響斯應孰謂今必異於昔所云耶然使無以

麻城縣志

卷四七

藝文引

三十一

贍其身而不爲之計長久又安必不後之并不如今耶且夫修教化者有司之職而惠來學者鄉士大夫之光今書院但得二三千金增舊入一倍之息則士氣可復振而文風可以復興竊以此邦素稱隱賑而年穀又屢和稔誠通一邑百二十區而衆捐之事易辦耳間以此意質之鄉耆老僉以爲然乃先分俸銀百金爲之倡而創立募冊付在城董事者分給各區區各舉一二鄉望爲領先勸輸次收納官中絕不與聞出納俟各區勸收畢彙存公所交典商具領生息余爲之申達上官俾垂久遠歲取其息以資膏

火而捐本若干雖急毋許支用以此合力分謀事不數月而就而利可及十世諸君子何惜一投足一置喙之勞何愛節一衣縮一食之費而不及今爲邑諸生成此令圖乎書院復興多士來游日衆行見風教大行文明昭燭使四方譚者稱光黃間有鄒魯焉此美不歸之諸君子而誰歸也而不佞因得藉手斯舉少無負於官守以仰副

聖天子明經取士之

盛典則諸君子之惠余甚深而詎非余之厚幸也哉是爲引

麻城縣志

卷四十七

藝文引

三十一

惜字引

吳 洵 浮園

包羲畫出肇開天地之文明倉史書成直感鬼神之慟惜
薪火聖經賢傳無非藉點畫敷宣澤流右史左圖莫不仗
形聲逗洩允矣文能載道洵乎字以寫心且休論路得青
雲立世上無量事業試自念經窮皓首費吾儕幾許辛勤
其宜珍惜也何如夫豈弁髦之可比乃或具鬚眉而染巾
盥之習每致疏踐履而惑禍福之私齋潔以奉東華西竺
之書反覺北窗減色覺沐而談白馬青牛之旨翻令黃卷
蒙塵甚且豔史蕪詞盈笥疊架一任微言大義委壑填溝

麻城縣志

卷四十七

藝文引

三

撫心直可裂背討罪曷勝擢髮用申同學尊聞敢不尊經
共矢寸忱敬聖端由敬業未濡毫先慎莫憑慧業長邪心
凡挾藻求工務取鴻裁關正學就令詩遭投溷收藏盡埒
芸編假饒文僅覆瓶拂拭便登緇帙暴漸洳而投烈燄銷
鎔總托離明凡灰燼以付東流淘汰悉歸坎潤庶以自安
於夙夜亦將無忝於師承倘竟謂曾子受生則誣襲聖賢
者爲愆不小如必向文昌望報是苟求利祿者之立志誠
愚想高明定不其然縱汶暗亦羞云爾

贊

明

張愨子贊

熊吉

內史之愨以閑其君惟子之愨獨成其身龍德而隱今鮮其人九螺之山因子益名

桃黃山人贊

桃黃之菴中有隱君尸居蔬食抱樸含真匪道曷依匪善休行無懷之氏葛天之民

過嵇侍中墓贊

熊吉

麻城縣志

卷四十七

藝文贊

二函

典午運窮皇輿播艱逆離滔天凶類作孽矢及御衣侍中灑血丹心化碧赭袍濺蟻命勿湔洗以存臣節千載蕩陰看此碑碣

小影自贊

熊吉

春風和氣玉色金聲願學焉而未能溫如也泰山巖巖疎星炯炯願學焉而未能儼然也噫其真山澤之癯也與惟子敬以直內義以方外斯之謂君子之吉否則有覩面目矣慎修哉

若石叔小像贊

熊吉

膏沐乎世祿之波警惕乎鬢序之鐸趨蹌乎詩書之庭容
與乎烟雲之壑睥睨建安牆流涎謫仙杓日以是而孳孳亶
不羨乎麟閣此叔氏之所以能自全其真彼畫師者盤礴
摸索是以若是其若也

中愚楊王庭像贊

彭遵古

貌兄之道其中匪渝貌兄之德惟愚與俱貌兄之真與天
爲徒貌兄之貌中也不愚萬崑居業何天之衢九江結綬
分帝之符望之如商彝周鼎卽之若欹器冰壺無斯善畫
者莫之能圖維弟與兄同從大夫之後而庶幾乎君子之

麻城縣志

卷四十七

藝文贊

三五

儒

國朝

題林愛蓮臨流濯足小影贊

胡翔靄

藹藹晴雲陰陰曉郭山臥長松溪橫短杓蒲徑閑花半灣
幽壑稚子垂髻捧巾揮霍所謂伊人深情隱約白眼斜看
科頭秀削濯萬里流洗三年脚祇因翼鏢是翁襟懷磊落
釋壯歲之風霜叙天倫之至樂遂爾瀟洒澄鮮馳情於林
薄也噫嘻水不在深多纔一勺天外青霞波中白鶴將呼
之爲滄浪叟乎則諾

墓誌銘

太守周思久墓誌銘

楊起元

柳塘周先生字子徵諱思久別號柳塘晚年築室石潭故
又號石潭居士先生仕至二千石壽至六十有四行義卓
然可師百世然其所自貴所自不朽所自不以爲足者大
矣遠矣則所得於學者深矣先生父菱湖公麻邑稱長者
先生生而天性高明亢爽非物所能累中年友楚侗耿先
生相磨以學於是乎益不有其善蓋昔賢所稱有若無實
若虛無伐善無施勞者先生身有焉善乎耿先生之稱先

麻城縣志

卷四十七

藝文銘

七

生曰蓋予自束髮交子徵矣習見子徵自少爲童子過座
中偶聞譟褻語輒忸焉面頸發赤也比長入仕涉世紛華
中而醇心篤衷猶然無易赤子其餘禮道之交也未嘗斤
斤然爲廉間取諸人也無羨心隨手爲人取之無顧惜心
遇靡麗玩好若輕塵浮揚空中隨風聚散耳以是宦廿年
秩二千石四歷名郡而屢空終身俯仰無資至於世業不
守宴如也乃或遭非禮惡聲之加也片語折之應時消化
甚至無根之謗橫及其身聞之一莞若蚊虻過耳無幾微
介於中也微時受族里齟齬窘侮者比旣達匪惟能忘且

報之厚焉生平孝友睦恤之行予得之於先生家庭屋漏中者多古人純德事迺不惟不欲人知若畏人知者其敷歷郡縣善政偉績何可殫記顧卽渥交如予未嘗聞一自述予第於王宗伯忠銘海中丞剛峯所而論其守瓊之治行於譚司徒次川而聞其守雄之治行初筮仕爲令中左遷浮沈中州所至民被其惠輿人到今藉藉頌之然予於鄭司寇淡泉吳中丞自湖顏督學冲宇諸名公處聆其聲稱耳未嘗聞一啟吻向予語也若聞人之隱隱瑕行不特絕口不道耳亦若不忍聞者嗚呼今世知先生者孰踰耿

麻城縣志

卷四十七

藝文銘

三十五

先生哉蓋先生之得天者厚矣故其修之家庭行之州里著之政事善不可殫述而一則曰若畏人知一則曰未嘗自述則先生之所自牧者已不有其善矣他人之稱先生者猶事事而善之何以異於大鵬已徙而尺鷃猶仰羨於藩籬日御已西而夸父徒渴迫于窮途哉故曰知先生者無險耿先生也先生守雄時起元受先生知先生誨之曰學必求至於聖人非但欲爲好人而已飲之酒酒酸先生曰世人謂秀才酸願子他日無忘此酸氣也起元書之紳惟謹又四年爲隆慶庚午先生守瓊歸矣起元北上會于

江簿後以先生貴封奉議大夫母黃封安人弟思大以鄉
舉爲蒲城令配州氏封安人先十年卒女二一適曾給事
挺子嘉懷州出一適劉別駕凍子守樸庶戚出與子之士
同母之士娶劉考功守泰女之士好學有文先生疾草訓
之曰父子天性今當永訣無以爲別願汝立志以聖人自
期觀此言則之士之器可測矣先生臥病數日惓惓勉友
人以學不亂手書遺起元猶以于道一無所聞爲言凡六
十字筆力遒勁遂絕筆嗚呼痛哉某月某日葬先生于山
之原銘者名也先生不喜名誰宜銘先生者耿先生曰惟
禮不可已惟子不可辭銘曰有善出乎天不有其善存乎
人天人匪二有無混一古有修者是爲有明柳塘周先生
之真室

黃萬巖公墓誌銘

婁東 王世貞

詩云雖無老成人尙有典型余蓋讀黃公狀而嘆之黃公楚人也楚自嘉隆以至萬厯蓋有三貴臣其所繇貴不同然其力皆足以登顯天下景從之士而於其鄉人所援植尤切而黃公最其鄉賢者而又爲鄉人不難使之知而難於不使之知其究不難使之忤而難於不名所繇忤公真賢者哉真賢者哉黃之先世家麻城里元末而有武蓋者倜儻負材畧率子弟萬人據險以遏寇亂時名其堡曰萬人巖太祖下武昌乃夷險籍衆而上之帝悅予以官弗受

麻城縣志

卷四十七

藝文銘

三十

請得隸宿衛遂補錦衣緹騎校建文中從北征以戰死子克先代而從上都北平宿衛世世不乏暨數傳而爲子華推其籍從子而還麻城有三子長曰琦舉楚鄉魁叔曰璫是爲封公奮身請於父荷一戈之緹幕起貲爲俠伯乃治甲第多游大人以成豪英聲晚節家稍落而所配胡宜人孕公時封公夢貴入襲金紫入其室小間以一琴鶴去寤生公公生而穎異強記稍長工屬文封公以謁廖學士道南學士大奇之曰吾輩人也三年盡得其學遂補順天諸生應試娶武宜人時甫冠云又三年應試則視學林御史

者其爲吏刻覈謂緹騎不當補順天學悉繫治之公與焉
林御史遷去經後御史始得釋而竟以是阻試又三年而
舉鄉薦明年會試中式所封策剴而文故相張文忠公奇
之擬甲第薦而懼失上旨宣首次欲緣以收公公謝弗往
乃僅得刑部選爲雲南司主事任職無害亡何張昌公鶴
齡與蔣都督相齟齬張爲蔣所持僭擬狀下刑部當公讞
時以蔣所主章聖而昌公則昭聖孝宗弘治后也武宗正
德之母世宗嘉靖皇伯母也勢以陰詘恐不能無上下公
毅然不可具獄上尙書爲請之昌公乃得解蓋又久之而

麻城縣志

卷四七

藝文銘

三十一

始扼其他敵以敗敗而猶亟歎之安得如黃公雪我而林
御史時已遷中丞撫順天坐誤鬻宮人下獄復當公讞始
林公心知公故矧憂之甚公第弗見而陰戒吏勿侵軼之
僅以誤論獄上得免辟旣出獄修諸生刺以謁林公且媿
且感曰我目故無珠公殆長者公治獄旣平潔廉自律聲
稍稍著西曹而會中貴人有所訶殺人者少年以詔送部
理就廷尉評而逸之中貴人挾以恐喝曹諸郎咸縮首弗
應公曰吾詣中貴人白狀彼且奈何公以一刺入中貴人
倒屣出執公手曰吾幸識先生先生所謂不受一錢劉寵

耶當爲先生任之亟爲捕得囚歸之部事竟寢公用考最
封父母遷浙江司員外郎以胡宜人喪歸服除補河南司
遷山西按察僉事所治太原爲王國諸宗室子侯爭民田
而訟者王右之縱無賴子尾前僉事趙而咻君至一切付
三尺無所依阿王更媿謝約束不謹聽公所理晉人大悅
嘗以秋行鴈門等塞修城堡簡騎士嚴斥堠又多募死士
間優以金錢俾探鹵所向而待之制府倚公若金墉而會
復以封公喪歸服除補山東甫至有傳鹵會殪林當大入
入必窺臨清者臨清爲南北孔道漕艘商橐悉萃外郭中
麻城縣志

卷四十七

藝文錄

三十三

丞曾襄愍公銑與公同年素才公屬之城公一二十大僚分
版築晝夜趨事如期成而大雨水溢城輒隕葺之隨復隕
公策曰下必有伏淤也卽隕處發土丈餘而淤見乃去之
多募民間敝缶實之灰而基之城始不隕曾公以公功上
增俸秩一級屬歲侵民苦饑公請於臺發庾粟出贖鍰以
賑不給則勸勞其饒者貸以償而多布二麥種躬自程督
毋廢秣民得以無殍死明年麥大熟其半皆雙歧而七穗
吏以歸公公曰天也吾何敢叨則請聞之朝公曰昔不聞
災而今聞祥豈吾任哉蓋前藩有以嘉禾麥上而得賞者

比比矣單大豪李淵玉醜其妻故使其飼鷹者臂鷹而飼之卧內一日忽併殺之以雙首獻于官官謂其格合亡以罪也凡三歲而邑大旱公行部刺得其狀立論豪死雨應時澍而長清令趙故貪而挾奧援又以骹骸得上官心公廉其實逮治之獄具獄凡三上而臺三駁弗爲阻左使故善令乃置酒與其寮要公且醉而從容爲令緩頰公卽拂衣去會有遷命乃得解時學使者闕公攝之所識拔如許左史邦才谷司馬中書輩皆知名士而屬大試藩臬之在棘者皆被逮獨公總攝二司與諸道篆以更日往吏環案

麻城縣志

卷四七

藝文銘

三十三

聽署者趾相嚙詣前庭受讞束約肩踵亡所容公應之沛然晝晷而散咸咋指稱神明而公之遷也爲陝西右叅議分治商州亡幾而制府議城花馬池以公材且於臨清著特檄使偕一人大僚往大較操畫如臨清其嚴倍之城成而公遷理一切以清靜簡約因俗爲化時三原馬理先生避地居商與議經學政術相推重商故鮮科第公進諸生授以程式又助之膏墨費是歲有薦于陝者尋累累不絕以旱禱雨雨隨降以虎暴詛虎虎就擒樵者得白鹿獻公擾之圃馴若家畜然或謂當進之朝公曰是又且以瑞麥

嘗我母如我駭何秩滿進按察副使飭甘肅兵而何套之
議起蓋曾公自山東來開府好邊事以倚公而公持重與
議不合無幾曾公竟得罪而公時邑邑不樂上書引疾乞
骸骨太宰聞莊靖公惜之知公意決乃特請爲予告痊日
有司具狀取進止蓋異數也公爲人果毅任事有氣力居
恒謂業已致身爲縣官不復能顧私志取必達然至于體
究幽蔀所便否恒恐其拂之士大夫居閒從謝絕顧其酬
酢詳懇宛致不敢以失意望公所蒞必有去後思而其治
齊魯及漢中最久旣遷去送者哭填道不得發相率尸祝

麻城縣志

卷四十七

藝文銘

三十四

之其于潔廉則天性當登第而猶子之壻馮累貲巨萬請
以千金爲官費公謝曰下士費不百金幸自足辦馮固請
乃受一羔裘服之至老不更易兩居喪屏跡田里于公府
無所干請而其最後歸子子單車垂橐乃脫身尋故田廬
課僮奴種蒔自給一椽僅蔽風雨而性好遊佳山水筍輿
敝以草蓐束之鄉人見敝輿而束草者爭出指詫曰此吾
黃公耶而公不時具輿則策蹇蹇不時具則杖而步遇所
會心處連日夕不歸或要公者以惡草具進甘之若太牢
卽盛水陸窮珍異徵聲選色以薦推去弗御也監司下教

守守下教令令布幣贄羔冀公一垂顧而公有城市戒不可或屏干旌以輕騎從公田間匏壺載酒芋葉載肉清言竟曰無倦色給事王三宅爲令時造公問政公亦虛心應之一時以神明頌王令不知其得之公居多公家貧不任施而好之不已族人迫催科急則悉其橐裝代償之而徐聽復曰母使而曹有匿稅名母使官有魚肉而曹名歲祲則貸母錢貧民而不貴其子逾期察其不克償者召而焚其券以爲恒鄉父老戒子弟汝曹好爲之母使黃公知也公嘗以寓橐于他富人而盜據之得公封識不敢動曰我

麻城縣志

卷四七

藝文銘

三五

何以貽黃公憂公之拂衣年方四十五氣壯盛故以絕意進取而三十三年中所謂三貴人者少師恭誠伯之弗論然與公近里聞其所欲得御公何限彼太保忠誠伯鷲而市名人也使公不惜一薄蹠音響應矣太師江陵公萬曆時首相張居正湖廣荊州府江陵人也子懋修中萬曆八年庚辰科狀元柄國時公尙未篤老而楚人無不以公爲兩陵祭酒寧不欲召致公哉公視之均髦弁也予故曰真賢者哉或曰公故忘世士也乃予則謂不然謂隆慶之初元大有登進而吳尙書嶽劉尙書采嘗薦天下材臣四而

公兩與焉前是太宰胡公松而後太宰楊公博御史大夫
葛公守禮皆公同年休休臣也相顧而稱奈何先黃景文
公作景文者公字也業旦夕啟事上矣公聞之曰用吾身
必先吾言乃草封事數千言上之大者策漕河開互市均
賦役節上供御將相遠奸佞與久任守令調停藩宗復新
建白封而先以抵楊太宰葛大夫相與計曰上悉之且叵
測卽上弗悉當塗之謂何因沮弗上而用公意亦緩公歎
曰已矣吾固知非二子所能吏也始絕口不復言世事而
課其子若孫習經術俾起家由此觀之忘世非耶公于將

麻城縣志

卷四十七

藝文銘

三十六

相大臣喜稱郭汾陽於隱逸喜稱陶元亮邵堯夫於文喜
稱韓退之而所自構撰文若詩則間有類東方曼倩李太
白者於後進推耿中丞定向中丞後公二十年而按部漢
中聞其士民謳思公若新歸而造公里談必移日歸必歎
曰公豈三代以下人耶公以萬曆己卯八月卒逾旬而孫
圖舉於省爲第一人又四年而手具公事狀累萬言益以
耿中丞所論者而謁予俾志墓道之石公諱卷嘗感其先
武益保障勲而署其號曰萬巖所以志也得壽七十有五
年與配武相莊至老無他婢媵生七子余以萬曆初觀察

楚監試事三月遷去亡何持節撫楚之西北邊去公鄉遠
第能一識公之姓名爲賢者而不盡究又弗獲推轂公今
者得之中丞之論著覈而圖狀詳爲誌而銘之
銘曰生世七十有七年用十而三歸勝之焉舍我者我終
舍者天天欲完之人曷能權鴻旣冥空龍或在田逸民良
臣莫公敢詮總而歸之曰賢

曾筆山墓誌銘

王世貞

始余入爲刑部郎同舍郎吳峻伯者間與余屈指天下士而曰有曾公日宣者其人哉問所以知曾公則公嘗識峻伯公車者也蓋又垂二十年而與公之子孟麟遇燕郭招提中公沒已五載而孟麟時語余曰敢以先子之不朽屬余謝曰無已有峻伯在是而公所知也亦能知而公者也其明年而峻伯沒又十年而孟麟具書狀以介弟嘉袞走二千里而拜余山中曰爲先子卜壤而弗兆以偃蹇至歲之辛未而始兆也乃又不及志銘不幸失峻伯矣幸吾子

麻城縣志

卷四七

藝文銘

三六

在而以十載之成言請其大貺之不朽余又謝不獲辭乃據狀而誌之公諱熒日宣其字嘗自號曰筆山故宗聖廟國公裔有自武城避新莽而遷廬陵者爲廬陵人明興有仕黃守而家者其名文遂爲黃之麻城人四傳而啟以禮經魁其鄉得健爲教諭以子大有貴贈邑令卒而祀鄉先生社季子鳳陂公大顯由進士拜給事中廷劾中貴人瑾拜杖謫遠郡幕以直聲聞天下歷四川布政司參議以卒祀如犍爲公鳳陂公娶於李輦公甫六歲母李卒公出就外傳日記數千言少最敏能文從鳳陂公宦游慈谿姑蘇

已又游南都三邦號儒術藪而公遂能薈其勝歸試於
學使者四而四居首張文定公奇之曰是子也材可棟也
公以壬午舉鄉薦明年遂成進士授河間之獻令公所爲
獻善狀最夥而其大者輕重論罰以穀贖民不病罰而庫
穀盈懸信格募擒巨盜以次就理里豪有躡蹂民憤跳
踞樹罵豪中之石墜而隕監司欲寬之謂隕墜耳公曰隕
墜固當誰石之而使之墜耶卒抵豪死公旣著能吏聲自
負以不輕折節而又念其父鳳陂公病會御史某行部數
日攝之公笑曰彼謂其難去令耶卽拂衣歸而侍鳳公融

麻城縣志

卷四十七

藝文銘

三十九

融如也御史意不自得而邑民迫得公爭噪於臺於是都
御史錢公如京與御史合而檄致公鳳陂公乃促公行至
則益自勵斤斤三尺御史更愧慰薦之矣公滿六載始召
得南京刑科給事中將有言持鳳陂公服歸服除補兵科
給事中尋復持繼母張服歸再除補故官遷戶科右給事
中會當大計京朝官而以公強正持調改吏科公自是益
發舒言事無所避霍文敏韜爲南禮部尙書疏欲責六科
避譽公持故事繩之不以霍公賢重假又嘗上書譏切貴
臣用事者翊國公勛而以其戶科左給事中視京營則直

劾懷寧侯瑛罷之矣公所言營務四事若掄官僚實行任嚴操練飭賞罰軍中至今稱之尋轉爲兵科都給事中上將南幸楚展謁顯陵二三大僚暨臺臣爭之弗得而諸給事默默推禮科禮科之署辱莫敢發公奮然曰天子輕萬乘出巡幸此豈獨禮科責哉乃率其僚抗章謂陛下孝思與大舜媲諸所經畫行留亦曲盡矣太子監國尙屬襁褓六飛在途還往疲頓南土卑濕疫癘時起又聞漢沔之間比者無歲編氓流亡突烟時斷今清蹕所臨法從虎賁供帳糗藁何所措手林棲草伏士餒馬瘠隱憂誠萬萬不淺

麻城縣志

卷四七

藝文銘

四十

也陛下母牽一人之孝而忘忽宗社萬世書上不報遂以扈行屬歲稔而河南餒死者枕道上公復再疏請賑之下有司匿其狀上顧左右請賑者又挺耶唉殍爲誰今復安在會禮科給事中戴公嘉猷歸自使所使其副馳疏請上速回蹕上怒甚俾下詔獄以待大駕還併公與同疏者李君逢周君沆謝公廷蒞皆下獄杖謫一時翕然稱青瑣五諫云而公得廣西靈州尉未幾遷江西進賢令靈州遠外非人所居地而尉最卑散進賢故巖邑然令劇易困公以貴臣挾重聲居之中無所厭薄其治辦畧如爲獻時而

公牘暇則緩帶褒衣延諸生談推今古不倦俄遷温州府同知中道擢四川按察僉事其政專屯鹽方欲有所爬刷而以入賀萬壽行既至而貴州撫苗之議起當設一參議駐銅仁控之羣公顧謂會公治營務亡害非公莫可任者遂擢以行而是時撫蜀都史不欲言其名以吏科都給事中尹君相論劾罷去尹君故與公同鄉且同署而名爲最相善都御史甚望公曰疇人而子爲我地邪必是子也齟我者旣得代卽論劾公以僉事聽調歸公歸絕不復有仕進意凡七歲而時相張文毅治故善公而又直公以書勸

麻城縣志

卷四七

藝文銘

四十一

駕公造朝而張公已卒僅得廣東僉事公所轄廉州有珠池凡官採珠所役使蠻人死傷不可勝計而珠直不當費十之二大約以利奸人橐而已屬期且采公奏記督撫司公廷爲疏止之廉因以蘇又條上廣兵力益戰艦禁海舶留守臣諸事於臺皆報行而嶺右徭有剽庫金者公又上防守方畧右方伯劉公采見而心服之曰天下才也而公鄉人韶守鄭重威者以公事與兩監司持不勝遂棄官去御史蕭止之不得兩監司亦愧止之不得而俱屬公以解公乃爲婉辭解鄭始留然其持初議益堅而蕭與兩監司

謂公實右之以語後御史郭郭故撫蜀都御史鄉人也忽憤咤曰是夫也後先以鄉人重我獨無鄉人哉會公遷福建左參議行遂媒孽諸影響事疏罷之公既歸絕口不復及所以唯闢園池召故所善爲文酒歡務爲德於宗戚鄰里而已漢陽一司理來署邑篆榜薦紳交際禮於門屏公歎曰以吾從大夫後哉謝病不復通而司理滿三月官代客有贄公文以餞者公曰司理日約束我曹而文諛之得乎且三月政成胡易也司理聞而啣公構於上官郭察公居鄉狀不得而止公性不食酒無奇裘好自奉若儒生旁

麻城縣志

卷四十七

藝文銘

四十一

通皇厯堪輿家語而尤喜治博士書至老愈篤其爲給事而與會試事典史而與鄉試事所得多知名者公年七十三一夕以無疾卒元配喻贈孺人繼配梅封孺人子某孫某以某年日葬于蕭園之祖塋狀則吾郡王百穀所撰也嗟夫父子更代起甲第爲諫臣以諫獲罪而名俱趣之不亦奇哉夫鳳陂公之諫犯所必不可犯之人而公之諫挽所必不可挽之事此未有不立隕者也然天威甫震而霽繼焉猶獲以一官効遠外及其繼也天子不修怒而修怒者都御史御史也奈何使公父子而以一參議終哉夫舉

直憐才者大臣職也是何天子之廣而大臣之狹也且夫以蕞爾令而攝衣歸臺猶知挽之及其崑然名憲臣而兩推之使去也又何昔之難進而後之易退也然孟麟輩之爲公不朽計固失之峻伯而得百穀公亦可以瞑矣因銘之曰

是惟南楚之珍世稱直臣龜山嶙峋麻溪大淵淪我勒堅珉以風子若孫毋忝其人

麻城縣志

卷四十七

藝文銘

四十三

烈婦周氏墓志銘

梁景陽

歲辛卯乾隆之三十六年也時余在京都官吏部郎接家書者屢矣是年秋蔡戚書來啟緘閱之則有爲烈婦周墓志銘之乞且謂余不慣諛墓故於余是乞氏無狀述寄公舉孝烈一呈卽爲實錄余往常見紀傳忠孝節烈幾欽仰之贊歎之今於比里姻戚中聞此懿行雖不余乞應樂志之而焉辭也謹按周氏爲同里鄉處士周公邦傑次女周素有家範所字女皆賢淑氏自齠齡時幽閒貞靜締於同里儒士蔡懷遠公長子學柳爲配學柳弟學蘇者方一歲

麻城縣志

卷四十七

藝文銘

四十四

而父懷遠公卒母吳孺人同里名門女撫兩孤以養以教以成立氏年二十二適於學柳以淑女作賢媛奉姑左右咸當姑意相內政不荒學柳文字業俾得以結納金蘭磋磨成器賢矣哉是婦也不料伉儷四載夫以疾逝氏卽以死殉當是時堂上有孀姑氏豈不知戀戀顧念夫弟成人旨甘有託從一之義肺腑爲宜僞許姑以不死暗藏毒以殉夫藉非夙明節義意肯心安而能決絕於崇朝乎孟子曰舍生取義氏真無愧彼黃鵠歌七年不雙飛若氏之不雙飛纔三日夜臺路殆欲追而比其翼於陽世乎族戚以

孝烈舉邑侯以入祠旌余於斯時若居禮部官當申鳴節
烈專摺請

旌况志其墓之徒以筆墨表彰乎而焉辭也學柳生乾隆乙
丑十月初六日卒乾隆三十六年辛卯歲五月初三日氏
生乾隆十一年丙寅歲卒乾隆三十六年辛卯歲五月初
六日氏無出立後有待卜是年八月朔一日午時合葬於
邱家畝之原實爲吉壤銘曰

節固難烈豈易慷慨從容同一義擬孝忠蒙榮賜彤管揚
輝千秋瑞

麻城縣志

卷四十七

藝文銘

四十五

程希川先生墓志銘

李鈞簡

嘉慶六年四月二十七日麻城程希川先生以疾卒於應山學署其人博學篤行可方漢文範先生唐貞曜先生卓然古君子也自余爲諸生肄業江漢時往來其邑魯氏之止園在鄂城者常與先生晤懷珍抱寶揭德振華欣得而就正焉於是黨之敬每以先生爲稱首然豐於德而嗇於遇天之報施不可知而先生之自立則爲全人矣復何憾先生卒後八年歲戊辰先生從子松亭編修其受學最深者以其遺狀屬余志其墓謹敢敘而銘之先生諱宗洛號

麻城縣志

卷四七

藝文銘

四六

超軒希川其字也生四歲而孤贈公積學負文名專精攻苦膏志以歿母鄒太孺人奉祖東安公養竭力營甘旨不辭艱瘁撫先生成立督課誦不稍寬假舉動必教以禮法先生天資高邁聰穎特達旣夙稟慈訓尤自刻厲以繼先緒年十七試輒冠其曹補博士弟子越十年朱秀叔學使選貢入成均先生朝考後卽飄然南歸授徒里中資修脯以供晨夕古人云一日養不以三公易者先生蓋不言而歡然有以自得也自列鬢序凡赴鄉舉者十八屢薦不一售儕輩皆爲之扼腕而先生好學敦行無幾微見於顏色

先生持躬正直處事謙和待朋友尤誠實坦易性不喜塵
囂邑北多佳山水兼曠如奧如之勝麻姑洞以仙蹟著喬
松茂木怪石回溪光黃間名境也先生終歲寓精廬勤勤
講學其中從之游者多所成就立身皆有矩矱偶一至城
市爭來迎致幾有吾家先生風經師人師莫不欣慕焉自
乾隆乙未年爲鄒太孺人請旌建坊於城北嘉慶戊午選
應山教諭迎養太孺人於官署庚申年六十三矣始舉一
男名國柱先生念太孺人茹苦守節者且幾六十載方以
是爲含飴歡乃逾年而國柱殤遂以慘痛卒嗚呼尙可言

麻城縣志

卷四七

墓志銘

四七

哉太孺人議之宗人擇立先生姪孫爲嗣孫又二年而太
孺人卒合葬望花山西南贈公瑩先生耐葬其左子國柱
天孫元燮嗣女二長適太學生葉均次適歲貢張受詔銘
曰理有定而難恃德有鬱而必彰無虧體者爲全受能樂
志者爲顯揚節孝傳於家詩書嗣其後此所謂千載之光

周魯山先生墓志銘

載弇州文集

王世貞

周之先不及考也考自元末而有受七公者從饒之鄱陽徙於黃遂爲黃麻城人受七公生希孟希孟公有三子次子仲燾以子河南道監察御史鑑貴封如其官鑑之爲御史也雪閭左寃抗論輔臣之首循直聲振天下仕至山東按察使有子洙爲儀隴令以子山西道監察御史廷徵貴封亦如其官廷徵爲都御史與中貴永辨宷夏功彊出爲江西按察副使廷徵有三子都轉運使載西安同知戴季則今魯山公也魯山公之謝鄰事歸無何而以大鴻臚卿

麻城縣志

卷四十七

藝文銘

四十六

宏祖官廣東道監察御史最封如其官周氏六世相承而稱六御史其三實爲御史皆能以其最滿考而三皆生受封天下之搢紳世家豔名之以爲難及而魯山公之自太學補吏部選人而得鄰也鴻臚則已成進士司理吉安大呼而謂曰咄嗟余所墓者於古得范文正邇乃得劉忠宣所願爲執鞭而今困一丞弗振矣勉之哉汝尚可以爲吾所爲鴻臚頡首受教既而曰志伊尹者何人也吾奈何遽自棄遂之郊甫月餘而巨盜百餘晝劫王兵馬掃其帑報至令膽奪不能語公前請曰令惟守藏當第以兵授丞丞

任獲之遂疾馳行劫所而中道悉具精銳百人舁一裨校
曰賊必從某道出走某道是皆負重可徒手縛也遇而巽
悞不擊罪在汝賊從他道逸罪在我既發而身從老弱張
旗鼓尾而脇之賊各負重走某道伏發皆就擒可七十餘
人兵廵僉事林騰蛟聞而激賞之曰孰謂丞一書生而不
堪大將耶無何令病死遂檄公攝令令事秩秩新矣而分
宜相之私人鄢中丞者不解臺務而理天下鹽法以挾重
故呵喝諸御史諸御史盡茅靡郡邑無不簞金奉少者猶
數百金在任郊吏以所見聞請公嘆曰丞惟一身有婦耳

麻城縣志

卷四七

藝文銘

四九

何所得數百金第令供饌驥潔而無雜糞筐篚之飾鄢至
大失望乃出二故篋付尉緝之公曰此欲借以爲名耳陰
備二新篋以俟尉入而以所緝二故篋見鄢大怒蹴而破
之使呼公入盛氣謂曰丞無耳耶不知我當亦知御史吾
奔走吏也而敢傳客遇我即敝篋之不能新而使委臺牘
於草莽公陽謝曰嚮者不以屬丞丞飭新篋二不敢遽獻
逡巡二篋入鄢顧視篋則新也而中枵然愈失望然無以
難之管尉二十而去於是林公聞之益激賞之曰吾屬州
邑長三十也而僅一周丞男子何寡也當是時不簞金者

公與林二人耳林以名御史失分宜意出補持屨采益峻
即青綬而下不敢望一顏色而其禮遇公若真令愛公甚
於昆弟卧病且死後事悉以屬公曰吾不欲死齷齪吏手
也公自是賢聲愈藉藉會令至遂改攝宜陽令已攝盧氏
已又攝鞏公治鞏之旬日行獄得一老吏當戍者洗沐飲
食之曰以一邑大事報我我能寬若老吏叩頭曰左藏籩
金三千無知者請爲公壽公乃召三博士同人藏閱之得
金具以白諸司後治鞏復得左藏中羨金五百蓋大家與
吏謀將入橐者亦以白諸司後先充縣官用時張莊僖公

麻城縣志

卷四七

藝文銘

五

景明撫汴具其事獎公且謂公實心實政云其最後攝宜
陽而邲今復闕邲父老泣請於監司曰周丞故吾丞也奈
何不以惠邲而惠宜陽宜陽父老持不可曰今幸宜陽有
之奈何復奪而邲監司謂邲父老直遷公邲邲賦繁而故
有荒額二千石當蠲第悉以遺薦紳大夫及博士弟子司
府椽吏之豪有力者民伐完額困公廉得其狀乃密以白
後兵巡趙公請悉歸之寢邱趙公大喜還語邲父老益大
喜而諸薦紳大夫及豪有力者爭啐趙公趙則曰周丞爲
之我不與也議自是格公乃浩然嘆曰天平令林公在直

反掌耳遂投劾歸邾父老哭擁車致不得前公之歸麻城也邾父老歲候公訛以車載棗柿酒麵造公而壽焉公戲謂余故不負丞丞今者乃益不負余始公生二歲而江西公捐館尋二母相繼歿公起孤童自樹立由諸生涉太學上舍有經術聲試順天不利而後棄之居恒痛不獲識江西公見都運及西安二兄猶公也所以事之約畧如事江西公終其身無違色所與宗戚丈人行者事之小者弟之更小者子之材者拔之急則左之難甚於已尤慎然諾敦氣誼一結斷金即生死亡易其孤嫠若歸矣善決策成敗

麻城縣志

卷四七

藝文錄

五十一

嘉靖中郭翊公勛得幸上貴甚里人有欲借而得官者公時尚少爲度之曰翊公固材而驕上欲自操太阿柄奈何狎而弄之夫以驕臣事英主未有能久者也其人至國門而翊公敗公好稱說直節士嘗得楊忠愍公繼盛論分宜相疏手錄置袖中時時取讀之經歲其文悉磨滅至老猶能擊節朗誦一字不遺鴻臚公之爲御史視南畿學其轉副使視福建學而其謫也實以御史時論新鄭相見中故歸而請罪膝下公笑曰若高祖持首輔循祖父抗中貴永吾憾不得身親覩之今幸覩汝且汝非坐私譴謫何罪也

第吾所用望汝以文正忠宣二公者殊未既也勉之其後
仲子宏禴以進士爲起部郎文學論議有曹署聞聲以欲
論諍江陵相失具草將上而爲忌者亦謫歸而亦請罪門
下公復笑曰若能如若祖如若兄何憾幾事不密則害成
慎旃哉汝從汝兄而趣文正忠宣者猶有地也今姑就我
旦夕耳蓋起部待公之三月而公屬疾卒距其得謝郊事
餘二十年絕跡不入城市於俗儀酬酢多所簡畧惟弔喪
問疾則不廢卑幼春秋祭埽家壠則不避風雨故工爲詩
其警語有云晨林弄秋色微雨落輕寒以爲何必滅柳常

麻城縣志

卷四七

藝文銘

五十二

侍晚好習養生誦岐黃之書而悅之遂廢詩曰奈何劇吾
方寸共筆硯也謂鴻臚起部此事亦付汝曹矣公諱錢字
汝成娶於汪屢封太安人有婦德先公卒丈夫子四宏祖
宏禴宏裕皆汪出太學生宏軫貳王出孫男八女三卒壽
七十有三葬某所鴻臚與吾弟懋同年又嘗董吾畿學政
而爲司馬請卹也則時時稱神交矣起部之以文字知尤
久鴻臚乃銜卹具事狀授書走起部三千里而乞誌銘嗟
乎余安敢辭獨念公有子而貴稱封公以老壽死無可憾
矣所少可憾者縣官以格持公露公之穎而不盡出之也

雖然公之丞邾其人不言令而言丞歸麻城其人不遠千里而壽公於麻城里亦安能限公哉銘曰直臣之子直臣之父公於其間不愧仰俯出爲循吏歸爲鄉先生尸而祝之誰云不應嘻嘻不泯者銘名公名者銘

麻城縣志

卷四七

藝文銘

五三

爲元進士何伯多先生勒墓碑文

李維烈

左邱好言夢後人嗤之爲其誕也東坡喜說鬼蓋明知其誕而樂聞其誕也顧事有似誕而實非誕者豈姑妄言之哉邑城北十里有寺泉石雜錯林木窅邃先君子顏曰一壑菴庚子爲鄉薦士之歲余避囂讀書其中癡僕拾枯以供館炊菴僧亦椎魯無文一日謂余曰君僕樵犯古塚矣法當致祭往時墓門傾圯犯輒病祭則愈吾師修砌其門後降乩自言何某元進士國亡不仕夫婦合葬子孫散失砌門之墓卽其墓今日之寺卽其故居址也嗟乎毋亦滄

麻城縣志

卷四十七

墓碑文

五四

桑物化華屋山邱之感勃鬱於中而姑顯靈以寓其不平耶翌日具脫粟村醪拜奠於墓亦後學尊先進之禮寧肯聽妖妄之說爲趨避計哉寺居山凹而可以望村樹城郭長河遠岫惟先生墓道前爲勝此余嘗撚鬚覓句路也祭之晚步墓前崇兒相隨兒祝曰今秋若先生知父得售非五百年來之奇遇乎先生果靈當示以異俄旋風從墓旁起捲池水有聲冷沁毛骨忽散去依然春釀花香時也余性喜夜讀書鐘落就寢窗外一朱衣人端立曰君何情之篤耶索余文卽加點竄極爲歎賞延之入室固辭出送之

渡溪飄飄乎若以雲爲橋者余辭而還歌詩以別有回首
秋風渡白雲之句朱衣隔雲叫曰佳哉但白字宜換耳晨
鐘已動旭光到牕恍然一夢意者其卽先生乎嗚呼僧之
言誕耶胡示以風風亦誕耶胡示以夢黃蘆曰晚碧草煙消
羊公之淚今古同傷安知百歲千秋後雲翻雨覆磷磷之
石不轉而頑涓涓之泉不變而濁所謂深宵幽邃之一壑
不化而荒烟蔓草而况此碑乎此墓乎脫陳蹟相沿不絕
於樵人牧豎之口曰是昔有墓後復有碑而羣叱以爲誕
也亦豈謂其不然哉是科余仍不第姑立碑以誌巔末若

麻城縣志

卷四十七

墓碑文二

五十五

夫符驗顯晦之說蓋不足道云

攷

忠節祠攷

鄒知新

按忠節祠舊志與郡志俱存其名然其地與人之名皆不可攷是祠乃風教所關要不可廢而不講也歷攷往牒立政立教合廟食於茲土者不可無人惟效忠全節則鮮及讀宋史趙令歲傳喟然嘆曰其在斯乎令歲守黃三卻巨盜一禦叛將及金人犯黃力屈城陷罵賊而死酌以酒則揮之衣以袍則褫之其忠節蓋可想見州人乞立廟以祀之當亡贈秩賜諡以旌之云今麻非黃之屬耶民非州之麻城縣志

卷四七

藝文攷

五六

人耶其爲祀令歲無疑夫遺愛者存其棠過化者仰其風矧保障之功彪炳之節而廢祀可乎君子以義起而建祠則典司之礪礱乘之光也故並錄其傳於存年之下爲良有司告時都監王遠判官吳源巡檢劉倬皆不屈死法得並以祔食垂於不朽云

四賢攷

鄒知新

新在京邸考職於順治壬辰歲館穀於北學院朱嵩若先生衙中讀殿閣詞林記得予麻邑三人焉曰周鑑曰李文祥曰鮑楚山是將撫諸國乘輯諸史官臧否異同之間而其人之賢可想也按大學士陳循傳曰循久秉鈞軸擅易儲宮恃權剛愎不能容物謀取鄉人塚域傾陷御史周鑑王豪士論鄙之又讀大學士萬安傳曰安結貴戚萬通夫妻以求援進妖術繼曉李孜省以固寵舉朝側目莫敢顯訟其過庶吉士鄒智率同館士吉人李文祥上疏發其奸

麻城縣志

卷四十七

藝文攷

五十七

反致斥逐夫以循之羅鉗吉網靡所不爲安之嫉忠保姦竊權禍國而鑑與文祥直道不阿犯顏敢諫雖傾斥不顧也不賢而能之乎又讀侍讀學士吳節傳節爲諸生時偕劉球李紹王原受學於麻城鮑楚山夫以節之學博才雋簡易質直時政之規國學之範穆哉休矣至若劉忠愍之殺身成仁凜凜大節李禮侍之行果而確簡在當此端器端礪沂流尋源楚山亦賢矣哉史官一代直筆國乘萬世信史然且不敢蔽賢况邑志乎予故特表而出之又讀李氏書有楊廷和字介夫四川新都人父春湖廣提學僉事

按公系出湖廣之麻城五世祖避難入蜀居新都以天順
己卯九月十九日生公公幼舉于鄉登成化戊戌進士改
授庶吉士嘉靖朝爲首相以議大禮削籍爲民子慎號升
菴登正德辛未科進士狀元及第公之祖去麻僅五世其
於吾邑鍾靈有自矣亦奇矣哉

岐亭山川古蹟攷

王元士

岐亭古廢縣處麻治極西之境與岡陂安三邑接壤北距光二百餘里南距黃一百餘里故曰光黃間前明嘉靖時以盜起西山駐捕通判羅瑞登築城約週五里五門二十八敵樓以守之

國朝

易以同知分鎮則岐亭雖非重鎮亦楚黃之扃鑰也不綦要哉粵稽水道一自麻邑西流環繞於岐之東一自北沙關今隸黃安東流環抱於岐之西二水合流經九十里至團風入江岐北三里有杏花村卽方山子隱處清端于公

麻城縣志

卷四七

藝文攷

五十九

建祠顏其額曰宋賢祠祠後墓三申季常先生左大儒甘望魯先生右張慙子合爲一塚碑係開山道人所立惜不傳其姓字再北里許有古松生石上相傳慙子所植大數拱根如蜿蜒繞枝葉四邊披起曲曲盤盤垂蔭數畝之地望之如偃蓋然凡遠近學士大夫以及騷人遊客之賞勝者僉比之大陵之異台州之奇云近城一山名九螺山西石崖鐫刻詩句卽張慙子修憇處崖前有亭曰逸亭西望江漢如在目前也岐之南一橋據廣輿所載曰岐亭橋又曰綠楊橋蘇子嘗月夜訪季常過此吟云解鞍欹枕綠楊橋

是也至今呼爲東坡橋橋下泉水且重且馨橋之東有桃
黃菴林木陰翳王胡號桃黃道人所居故名岐東名硯池
畝田萬頃平如抵掌時作墨香是豈地氣之所獨鍾與亦
諸賢侯政治之所感與其古賢人君子之留芳不泯與亦
醞釀於此以待後來之發瀉有時與是爲攷

麻城縣志

卷四十七

藝文攷

六

任東安觀風示

梅茂南

爲觀風事照得孝弟頌西京之詔士重敦倫禮樂鳴東武
之絃治先勸學是以先王採俗命太史以乘韜賢尹陳經
召生徒而吹籥莫不因文章之流露覘庠序之休風矣方
今 帝治雲章人文霞蔚慎棘闈之遴選 綸綍五申宏
藝苑之搜羅縹緗二酉園橋聽講盛比鴻都頰壁從公庠
隆虎觀所由材備 天閑之驥冀北空羣 化沾方徼之
猗嶺南同俗維茲東安縣者粵境名區瀧疆舊邑野分牛
女壤闢獐人或號開陽或隸永慶或分城麟石或析置龍

麻城縣志

卷四十七

藝文示

六十一

鄉沿革雖殊山河未改星巖巍峙愛亭遠送荷香天柱尖
圓幽室近聆篁韻獅聳嶙峋怪石路立蹲踞龍盤巖岫危
巖泉流清淺作連灘之柱勢似虎雄看橫走之巒狀如犀
伏衆峰排湧天馬騰驤一竅琤琮石牛峭削工玉屏之點
綴積翠雲聯叩銅鼓之砰礮振聲雷奮崗縣若柱山展如
旗高則止戈秀則插笏雙薦則磴道繚繞遊客捫蘿大紺
則茅屋幽幽深神仙煉藥地旣山輝川媚人宜嶽降崧生木
縣梅嶺舊支芸編世業曲同下里雕蟲會已十年符綰中
州攜鶴條經廿載五夜研尋訟牒形似勞薪兩番分校鄉

闡心如見獵入焚香之室吟對冰壺做讀書之軒筆濡井
硯今者乏承茲士念切斯文跡困風塵愧俗吏無從引玉
評操月旦望多士無吝唾珠茲於八月十二日在開文書
院扁試假三庚之餘暇攬七子之詞華自貢監以及生童
竽吹一一首制藝而次詩賦管下雙雙務去陳言各抽秘
思規時勢以立論當使及今可行鎔經義而鑄辭端在學
古有獲爾等萬人敵八父手可想其才本縣一書生三折
肱尙知此道制詩緝頌羣將以文章爲 國華立學興賢
庶得以經術潤吏治矣特示

